

廣東府縣志輯

中國地方志集成

民國赤溪縣志
光緒新寧縣志
民國恩平縣志

中國地方志集成

廣東府縣志輯³⁵


民國赤溪縣志

光緒新寧縣志

民國恩平縣志

民國赤溪縣志

王大魯
賴際熙等纂修



本書八卷、首一卷。現據民國九年（一九二〇）修，十五年（一九二六）刻本影印。

赤溪縣志序

州縣立志肇自前明明之重州縣志書猶漢之重郡縣守令以其與民親近而堅于信託也封建制度易爲郡縣則一朝之畫疆分治起于縣一代之徵文考獻亦必先于縣縣無大小皆有土地人民政事其六科之典守實舉朝廷六官之職司而皆備之固儼然具體而微之侯封也故頒布憲章法度從上而敷于下者至縣而終采撫風謠政俗由下而申于上者以縣爲始縣之中輿地之形勢也建設之源流也物產之豐賡也風氣之淳漓也政教之隆替也人材之興衰也民生之苦樂也物情之向背也今昔雜陳洪纖備列國家網羅載籍稽求

赤溪縣志

卷首

序文

一

掌故此焉徵取宰治者因勢利道孰當因革孰當損益孰爲緩急孰爲先後亦展卷而得所鑒焉縣之有志不綦重哉赤溪爲縣設立危難之時建置在偏僻之地幅員褊小規模草創泥迹者或苦其太局然時經危難其人堅苦卓絕皆具發奮淬礪之精神地處偏僻其境依山俯海實據雄偉壯濶之形勢志遠者得藉以爲資昔竇融保河西以遺中原之種田疇居無終而成都邑之規何莫非偏隅之地歟獨是創制未久典策憑漫前事易忘後此何觀官與民皆以爲關事爰集衆力倡編志乘禮聘降臨總司纂輯熙奔竄餘生鉛槧束閣何敢抗顏筆削惟昔曾設教是邦革造始末旣聞梗概作述

得失不無系屬義詎容辭藉采訪諸君勤于搜剔分纂羣彥善爲編摩熙操觚而從其後星霜再易聿觀厥成其於職方之所紀載匠人之所規度旬宣之所布濩循良之所留遺以至弓旌之盛典幽潛之節操里巷之見聞機祥之徵應藻翰之傳誦崖石之摩挲博訪旁搜目張綱舉登錄無關法戒斯存生斯土者知啟闢之所由則知所以興起官斯土者知休戚之所在則知所以措施進而輶軒下賁太史上陳知其俗尙土宜則知所以興利而除弊則此業之成固不僅取備繁文空災梨棗也已舊史官增城賴際熙序

赤溪縣志

卷首

序文

二

中華民國九年

仲冬刊

序

丙寅冬同年友王堯堂介紹陳君達夫以赤溪志見盼披誦一過不禁愀然而悲既又幡然而意也蓋余於光緒庚寅居金灘老赤溪幕中距今四十年矣赤溪負山面海雖都聚草創而政簡俗醇地方有司可勲勲以親民爲務與衝繁之區簿書期會日不暇給官民有隔閼之患者迴異灘老崇雅素恤民隱下車伊始訪問疾苦卽謀纂輯志乘以資攷鏡聞見所及輒筆之於書會丁外艱去官掇拾叢彙爲雜志二卷彙行薦紳父老皆以爲得未曾有嘗爲文序之而奔走四方回憶幾如隔世辛酉春訪灘老於常州年八十餘意興浩然相與登赤溪縣志

卷首 序

東坡驪舟亭飲酒賦詩追話前塵猶南望歛歛不置今書成而墓有宿草豈不傷哉然晚世競談新學視舊聞故事爲土苴乃陳君與分纂諸君惓惓梓桑推本灘老紀述之深愜益加摻討於山川夷險政治沿革學校風俗之原土客兵事之變以及壇廟古蹟藝文金石莫不條分縷析斐然成章復博訪通人就賴荔垞編修而釐定之此豈薄俗所易及耶志載歸善江孝通主政詩文甚夥孝通學有本原主書院講席文教爲之一振尋居母喪以哀毀卒惠州人士於豐湖築江孝子阡余曾臨眺裴回不忍去今赤溪山水勝處往往有其遺墨鄉人能愛護之尤見風氣樸厚彼通都大邑凡豐碑名刻悉

舉而藁粉之者相去何如也孝通荔垞堯堂及余皆已丑同歲鄉舉堯堂今長斯邑書適告成是吾數人文字因緣不期而先後聚於一隅殆冥冥中有若或使之者乎異時剗剗工竟郵致常州告灘老之靈以慰志焉未逮之思當更合泉壤而同爲愉快也已陳君屬爲序引因述今昔之感書以歸之若夫義例精善讀者自見無俟飢饉焉番禺汪兆鏞序

赤溪縣志

卷首 序

序

赤溪自清同治六年丁卯設治後越二十餘年江陰金運同淮生攝廳篆輯有雜志一冊又越三十年衡陽王君大魯知縣事以雜誌尙畧倡議編成縣志集邑人士謀之設局治事公推邑中賢達分任編輯采訪諸務復延賴煥文太史爲總纂遂觀厥成時民國九年庚申歲冬也甲子春初李君璞純宰溪招余偕來悉是志已編成剞劂且大半不意中間人事多故忽忽又閱三年今始告竣蓋纂刊若斯之難也赤溪東西南三面瀕海山巒環疊與內地交通隔閼故風氣習尙亦頗殊焉然其民族團體結合甚固相親相愛讀書之士類多奮勵出赤溪縣志

卷首

三

外求學遠者且數千里竊意數年後民族丕變文化日新可預言矣至此志體例之精審蒐討之詳備汪序已言之不贅又汪君憬吾來溪遊幕時曾有雜誌之輯今余來此志適刊竣當司總纂者爲前主講赤溪書院之賴太史煥文志中所載江主事兩人流寓此間詩文甚夥又去縣治西南數十步有小丘巨石礪礪其北鐫有員山二字作篆體高尺餘係陶舍人子政代筆若四君者皆余鄉舉同年皆於溪有鴻雪之紀亦文字中之一段因緣也附記之以諗來哲

中華民國十五年丙寅仲冬番禺王棟序于赤溪縣署

凡例

一廣東全省現修通志條例首定斷限以宣統三年爲止義當遵守惟赤溪改廳爲縣事在宣統三年以後建置所關不得不稍從權變展至縣志始編之日爲止以符名實

一志書分類縣各不同亦因事蹟繁簡量爲離合也此志分目參酌廣州府志新甯縣志茂名縣志嘉應州志折衷而定分總綱爲六志冢墓不屬建置而入古蹟及災祥兵事分別紀載者則依茂名縣志例別立方言一門不附輿地風俗類後則依嘉應州志例物產旁加注釋則廣州嘉應茂名諸府州縣志多同又

赤溪縣志

卷首

凡例

三

將敎堂附於墟市後則依日下舊聞考而皆有所依據者也

一方志通例選舉一門皆以五貢爲始赤溪建置既晚若循嚴例則此類將闕今權將歲科取進諸生依次備列至取士之制已改則以學堂畢業榮途續之身列庠序才稱秀茂亦何莫非書升選俊之遺歟

一會稽章氏學誠論方志大致謂史傳人物現存者不合記載惟州縣之志循吏則但舉其治縣政蹟遷徙以後不復究其初終貞節婦女守節年限旌表既有定例年齡既過不必慮其變易惟此二類雖屬生存均可采輯竊取斯意不分存沒均與收錄耆壽亦然

蓋有所授也

一赤溪五堡地方昔隸屬新甯自同治六年土客息鬭聯和始劃分廳治今改爲縣則赤溪設廳之所由來與夫土客械鬭之所由起止宜有以紀之故特編開廳始末一門附於紀述志後欲使後之覽者有所參稽云爾

赤溪縣志

卷首

凡例

四

編纂赤溪縣志職名

主編

赤溪縣知事王大魯

總纂

翰林院編修賴際熙

總編輯

分發福建任用縣知事陳用敏

總理局務兼分纂

附生楊樹芬

增生鄧景堯

分纂

赤溪縣志

卷首

職名

五

州同街楊炳堃

附貢生朱玉鑾

附生李長春

附生楊嘉樹

附生袁肇濂

附生曾子漢

貢生吳玉堦

繪圖

廣東測繪局科員廖景程

採訪兼謄錄

貢生葉蘭甫

采訪

貢

生吳朝弼

貢

生溫煥樞

監

生吳玉山

監

生江景曦

附

生曾耀奎

附

生葉錫圭

校對

廣東

高等學

生羅煥基

廣東

監獄學

生鄧景鏞

省立

中學學

生溫啟賢

廣東

師範學

生陳用邦

法政

大學肄業

生陳賡堯

經理局費

貢

生鍾志文

貢

生陳用光

襄理

把

總莊玉清

職

員鍾昌廉

監

生馬平兆

監

生吳煥廷

貢

生葉庭輝

赤溪縣志

卷首

職名

六

職

監

員鍾顯泰

職

生林桃篆

監

員陳國超

監

生謝世銘

監

生鍾昌球

赤溪縣志

卷首

職名

七

卷首

序文

凡例

編纂職名

目錄

輿圖

卷一

輿地志第一之上

沿革

疆域

赤溪縣志

卷首

目錄

暑度

氣候

山川

關隘海島村

都里

分局各鄉坊

風俗

卷二

輿地志第一之下

方言

物產

卷三

建置志第二

城池

縣署

學校

壇廟

寺觀坊

墟市

教堂坊

道路

茶亭坊

津梁

水利堤陂坊

冢墓

卷四

經政志第三

戶口

赤溪縣志

卷首

目錄

田賦

祀典

學制

兵防

祿餉

卷五

職官志第四

職官表

宦績傳

卷六

人物志第五

補遺 附於卷七之末



縣城圖


赤溪縣志

卷首

縣城圖

縣城圖 縮為五十分之一

六



縣署圖

赤溪縣志

卷首

縣署圖

縣署圖 縮為五百分之一

七



赤溪縣志卷一

輿地志第一之上

度地居民王政所始分畫疆域闔世彌精禹貢分
州以山川爲限至周官保章氏以星土辨九州之
地所封域分野之說實肇於此後世因之近則
定以經緯之度晷刻分秒靡有差舛法益密矣夫
土地疆理所以束制其民也主父偃謂列郡數十
形束壤制意卽指此赤溪倚山俯海地偏而壤偏
束制之法易施恢張之道尤亟其人民奮發淬厲
其官吏撙節愛養使服先疇食舊德風氣蒸蒸日上
焉是在家斯土與牧斯民者作輿地志

赤溪縣志

卷一輿地

小序

一

沿革表

世代統郡

縣

秦南海郡

漢南海郡

四會

漢書地理志云武帝元
元六年開屬交州縣六
會本漢四會縣地也
曰番禺博羅四
會龍川揭陽

晉新會郡

益允

宋書州郡志云恭帝元
元二年分立南海新會
縣爲新會郡治考益允廢
縣在新會縣東尋其故域
漢四會界盡新會之西番
禺界盡新會之東迤南至
於海今赤溪應屬益允地
也

赤溪縣志

卷一輿地上

沿革表

二

宋新會郡

益允

齊新會郡

益允

梁新會郡

益允

陳新會郡

益允

隋南海郡

新會

開皇初廢郡仁壽初改
開皇十年廢郡爲縣又併
番禺大業初復曰南海
益允按舊唐書隋改封州
又改爲阿州尋
廢屬南海郡

唐廣州

新會

武德四年
復置廣州

宋廣州

新會

元廣州路

新會

至元十五年
改廣州路

明
廣州府

洪武元年
改廣州府

新甯
改名山

宏治十一年以新會縣德行都之上坑前等處拆置

清
廣州府

赤溪廳

同治六年割新甯縣屬潮居都姓崗都五堡地拆置廳治直隸廣東布政使司

民國粵海道

赤溪

民國元年廢府二年改民國元年
廣肇羅道為粵海道
改廳為縣

沿革考

漢南海郡之番禺兼合浦郡之臨允

按元和郡縣圖志新會縣漢四會縣地是也而

赤溪縣志

卷一 輿地上

沿革表考

三

歐陽忞輿地廣記新會縣漢番禺縣地其說不

合按新會隋改名岡州太平寰宇記引廣州記

云四會有金岡岡州即新會岡在其側因岡為

名也據此則屬四會而非番禺審矣其云合浦

之臨允尤誤考水經注云臨允縣王莽之大允

也牢水自縣北流經高要入於鬱水即今新興

河頭水也與新會無涉據此則非臨允地更無

疑矣

三國吳黃武五年析番禺臨允置平夷縣屬南海

郡

按平夷晉改新夷方輿紀要廢縣在新會縣西

四十五里據此則平夷與新甯赤溪無涉

晉恭帝元熙二年分南海立新會郡

盆允 新夷

按宋書州郡志新會郡晉恭帝元熙二年分南

海立廣州記曰永初元年分新甯立治盆允未

詳孰是考晉書地理志云恭帝分南海立新會

通典亦云新會郡晉未置且盆允廢縣在新會

縣東新甯郡今新興縣在新會西北百餘里地

域不相連廣州記言分新甯立殊誤

方輿紀要晉末分番禺縣置按元和郡縣志新

會本漢四會縣地吳析立平夷晉太康元年改

赤溪縣志

卷一 輿地上

沿革表考

四

新夷晉末又分南番禺置盆允屬南海郡尋為新

會郡治故洪氏補東晉疆域志以盆允縣列新

夷縣之前考盆允廢縣在新會縣東迤南至於

海今新甯赤溪殆均為盆允地也

隋南海郡新會縣

按隋書地理志云新會郡廢郡為縣又併盆允

并置封州治開皇十一年改允州後又改為岡

州尋廢屬南海郡考開皇初廢郡仁壽初改番

州大業初復曰南海郡故州廢則新會縣屬南

海郡也

明廣州府新甯縣

按明史地理志宏治十一年以新會縣德行都之上坑前置析文章等五都地益之爲新甯縣清廣州府赤溪廳

按廣州府志清同治六年總督瑞麟巡撫蔣益澧以新甯漕冲客民與土民息鬪聯和奏請割新甯縣屬潮居都之赤溪磅礴漕冲銅鼓四堡及深灣腰古金頭等處煙崗都之田頭一堡及冲金長沙大麻小麻等處析置赤溪廳并添設直隸同知一員司獄一員駐廳治理

民國粵海道赤溪縣

謹按民國元年廢道府制各府廳州名稱悉改爲縣赤溪遂於是年五月改廳爲縣又二年復設道畫定各巡道管轄區域原設廣肇羅道改爲粵海道轄縣三十二赤溪隸屬之九年復廢道制直轄省長

赤溪縣志

卷一輿地上

沿革考

五

疆域

縣治在省治西南四百一十五里至

京師六千零八十九里

廣東輿地全圖

面積二千八百八十方里

陸占二千一百三十十方里海占七百五十方里

東西距五十九里

南北距六十一里

據廣東陸軍測繪局測繪員廖景程蒞縣測量縣治疆里實東西相距五十九里南北相距六十一里前巡撫張人駿所編廣東輿地全圖載赤溪疆域廣縱均作二十里實誤今從廖說

赤溪縣志

卷一輿地上

疆域

六

東至燕子排十三里與香山縣洋面分界

由縣治起計下同

西至三合海口四十六里與台山縣洋面分界

南至大排四十里縣屬洋海

北至白石選界碑十一里與台山縣陸地分界

東南至三杯酒四十里與香山洋面分界

西南至鹿頸嘴三十八里與台山縣洋面分界

東北至憑黃鼠山嘴界碑十四里與台山縣陸地分界

西北至絞蔗塘胡盧嘴界碑十八里與台山縣陸地分界

界

按縣境西北與台山縣陸地毗連餘三面瀕海縣治地處東偏面海環山形勢扼要東南海道與香